

Nungd quod dñs surrexerit à mortuis: Nō. Sed uī
dit linteamina posita, & credidit (sicut mulier dixe-
rat) dñm furatum de monumēto. Nam si eius resur-
rectionē credidisset, nequaquā euangelista subiun-
geret: Nondū enim sciebant scripturas, quia
oportebat eum a mortuis resurgere. In quo
loco quanta utilitas sit in intellectu scripturas, de-
monstrat, qñ apostoli ideo dicuntur dñi resurrectio-
nem ignorare, quia scripturas nondū intelligebant,
scilicet quia eo reuelante, à quo procedit om̄is sapi-
entia, ea spiritaliter nondum intelligere didicerant,
nondū enim audierant, Quia sic scriptū est in lege
& psalmis & prophetis de me, &c. usque, in remissio-
nem peccatorū. Sin autem apostoli ideo non crede-
bant surrexisse dominum, quia non sciebant scri-
pturas, cesset eorū dementia, qui p̄clara discernere
nolunt, & alios discere uolētes reprehendūt, solumq̄
in alijs inuident, qd̄ aut agere nō possunt, aut nolūt.

Luc. 24.

IN OCTAVA

Paschæ. I. Iohannis .I.

Charissimi, Om̄e quod natū est ex deo,
uincit mundū: & hæc est uictoria quæ uin-
cit mundum, fides nostra. Quis est autem
qui uincit mundum, nisi qui credit qm̄ le-
sus est Christus filius dei? Et reliqua.

A Vdistis in epistola cū legeretur, fratres cha-
rissimi, Iohannem apostolum nos instruē-
tem atq; dicentē: Om̄e quod natū est ex
deo. i. genus spirituale & deo seruiens, uincit mun-

dum, id est, mundi amatores, uel opera uincit incredulitatis, & concupiscentiam mundi, uel omnē idolorum culturam, in obseruatione mādatorum Christi. **Et hæc est victoria que uincit mundum, fides nostra.** Ergo firma fide in Christo uincimus mundum, & omnia terrena desideria, omnemq; terrenum amorem atq; peccatum, necnon & diabolū, qui princeps est & inuentor peccati. **Quis est qui uincit mundum, nisi qui credit quoniam Iesus est filius dei?** Quod mundus, i. amator mūdi, non credit, nos credamus, & mandatis eius fideliter obediamus. **Hic est qui uenit per aquam & sanguinem Iesus Christus.** Ac si diceret, Hic est qui uenit maledictionē terræ suo delere baptismo in Iordane, & mundum suo sancto redimere sanguine. **Non in aqua solum, sed in aqua & sanguine.** Non enim solo baptismo uenerat redimere mundū, sed etiā propria morte & sui sanguinis effusione. **Spūs est qui testificatur, quā Christus est ueritas.** Spūs em̄ sc̄tūs, per quē nobis in baptismo omnium datur remissio peccatorum, nos per adoptionem filios dei facit: q̄s ipse dñs in morte crucis & suo sanguine redemit, & per gratiam eiusdem sancti spiritus, quem in baptismo suscepimus, ueræ fidei lumē & agnitionis dei recepimus, unde salutem consequi debemus æternā. **Quā tres sunt qui testimoniū dant in terrā, aqua & sanguis & spiritus.** Quidam hic sanctam trinitatem mystice significatā intellicant, q̄ Christo testimoniū perhibuit: In aqua patrē significari intelligunt, quia ipse de se dicit: Me dereliquerunt fontem aquæ uiuæ. In sanguine, ipsum **CHRISTVM**, qui pro salute mundi suum sanguī

nem fudit. In spiritu, eundem spiritum sanctū. **Hæc** sancta trinitas Christo testimonium ita perhibet, ipso per euangelium loquente: **Ego** sum qui testimonium perhibeo de me ipso, & testimonium perhibet de me, qui misit me pater. **Et** cū uenerit paracletus, quem ego mitram uobis à patre meo sp̄m ueritatis, ille testimonium phibebit de me. **Et hi tres unū sunt.** i. pater & filius & sp̄s sanctus. **Vnum** in natura, unum in diuina substantia, cōæquales in omnibus, & cōæternales per omnia, in nullo dissimiles. **In** ista trinitatis substātia nihil ē creatū, q̄a nihil est inchoatum: nec aliquid ibi superius cognoscit, q̄a nihil anterius aut posterius inuenitur. **In** eo q̄d trinitas est, unum est, æternum est, uerū est. **Hæc** est una fides, q̄a hæc est uera fides, & ideo hæc est catholica fides, unius substantiæ sanctam credere trinitatē, & in dei filio carnis animæ nostræ naturalem cognoscere ueritatem. **Ista** fide iustificamur, hac fide mundamur. **Ista** fide saluamur, in hæc fide credidimus, q̄a nobis tribuit remissionem omnium p̄ctōrum. **Sit** ergo certissima spes omnibus nobis, quia uera resurrectio carnis, quæ præcessit in Christo, sequetur in nobis. **Caro** ista omnium hoīm mortuorū siue fidelium, siue infidelium resurget in fine: sed caro fidelium resurget ad gloriam, caro infidelium resurget ad p̄nam. **Ani**mæ fideles cū suis corporibus semp lætabuntur. **Ani**mæ quoq; infideles cū suis corporibus semp torquebuntur, ac sic qcquid ibi animæ in carne sua recipiēt, non amittēt, q̄n nec bonis poterit auferri gaudium, nec malis unquam poterit remoueri supplicium. **Acti**pimus itaq; uitam æternam per sanctam ecclesiam. **In** ista sola ecclesia est uita æterna, q̄a rex eius est ui-

ra æterna. Huius ecclesiæ pars exultat iam & regnat in cælis, pars autem peregrinatur adhuc & laborat in terris. Ipsa est una sancta ecclesia, in qua nunc iustificamur, in qua tunc glorificabimur. **I**stam bonam matrē sicut boni filij unanimiter diligamus. **H**uius ergo matris gemitus nemo despiciat, in omni dōes ei nemo contēnat, de sinu eius nemo discedat. **I**pse em̄ ad dei patris perueniet hæreditatē, qui ecclesiæ matris in fide & dilectiōe seruauerit unitatem. In ecclesia ergo catholica pmanere, diuinis eloquijs humiliter obedite, præcepta dei solícite custodite. **Q**ui em̄ præcepta domini contemnunt, semper ardebunt: qui uero mandata eius custodiunt, sine fine gaudebunt. **E**t sicut cōtemporibus erit æterna mors & æterna miseria, sic obediētibz æterna uita dabitur & æterna læticia per Iesum Christum filium dñm nostrum, qui uiuit & regnat in secula seculorum Amen.

IN OCTAUA

Paschæ. Iohannis, XX.

In illo tempore Cum sero esset die illo una sabbatorum, & fores essent clausæ, ubi erant discipuli cōgregati propter metum Iudæorum. Et reliqua,

Quoties legimus discipulos in domini passiōe timuisse, & post eius resurrectionem propter metum Iudæorum in conclauis resedisse, non cum indignatione accipiendū est, sed fragilitati eorū concedendū. Fragiles namq; & infirmi, necdū gratia spūs sancti pleniter fuerant corroborati, q̄a sicut em